



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

A nr. 61/ 2011

Paneli Zgjedhor për Ankesa dhe Parashtrësia (PZAP), në panelin e përbërë nga, Rafet Haxhaj kryesues, Ferit Osmani dhe Nehat Idrizi, duke vendosur përkritazi me ankesën e subjektit politik Lidhja Demokratike e Kosoves (LDK) me seli në Prishtinë, paraqitur kundër disa militanteve të PDK-ës, për shkak të kërcënimit gjatë procesit të votimit, në seancën e panelit të mbajtur me 13.01.2011, mori këtë:

V E N D I M

REUZOHET si e pabazuar ankesat e subjektit politik Lidhja Demokratike e Kosoves (LDK).

A r s y e t i m

PZAP ka pranuar një ankesë me datë 010.01.2011, nga LDK në të cilën theksohet se në fshatin Runik komuna e Skenderajit në shkollën fillore Shote Galica në v.v 02R rreth orës 17 e 20 min kanë hyrë militantet e PDK-ës dhe kanë votuar pa u kontrolluar me llampa, pa letërnjoftim dhe asnjë kontroll tjetër. Në të njëjtën qendër të votimit nr v.v 01R vëzhguesi i LDK është kërcënuar dhe shprehur, se nëse shënon ndonjë vërejtje për parregullsitë do ta largojnë nga vendvotimi. Në këtë vendvotim poashtu janë vërejtur persona që kanë votuar disa herë.

Ndërsa në shkollën fillore Hamez Jashari në Skenderaj në klase 03R pas orës 15:00 militantet e PDK-ës kanë hyrë dhe kanë votuar disa here pasi që komisionerja e cila kontrollonte librin e nënshkrimeve lejonte dhe kishte marrëveshje me këta persona. Poashtu në këtë vendvotim dy minuta para mbylljes së vendvotimit ka hyrë vëllai i Sami Lushtakut (kryetar i komunës së Skenderajit) i cili me anëtarët e AKR-ës kanë pasur nga një laps kimik dhe çdo fletëvotim të zbrazët e kanë shënuar me votë për PDK-së.

Parashtruesi i ankesës ka bashkangjitur si dëshmi deklaratat e vëzhguesve të LDK-ës Adnan Ferati, Edmond Kumnova dhe Burim Fejzullahu.

Në raportin e policisë të datës 10.01.2011 të policit Sami Geci #7593 thuhet se rreth orës 23:55 në vendvotim ka ardhur njesia e e hetuesis rajonale e cila i ka arrestuar dy persona (vëzhgues) e të cilët dyshohej se i kishin kërcënuar me herët vëzhguesit e LDK-së.

Pas kërkesës së PZAP-it për informacione shtesë lidhur me raportin e lartcekur policia me raportin e sajë shtesë nr reference 2011-PK-S 010 të datës 12.01.2011 thuhet se në shkollën fillore "Shote Galica" në Runik në QV 2114B është iniciuar një rast i kanosjes me nr 2011-BF-022 dhe nuk japin sqarime se ndaj cilëve individ është iniciuar procedurë dhe duke mos përcaktuar as përkatësin e tyre partiake.

Ndërsa për rastin e ankesës që ka të bëjë me vendvotimin 2101X në shkollën e mesme Hamez Jashari në Skenderaj theksojnë se çdo gjë ka qene në rregull, se nuk kanë pranuar asnjë ankesë nga komisionari i kësaj qendre apo ndonjë qytetar apo vëzhgues të ndonjë partie politike apo organizate tjetër jo qeveritare

Pas kërkesës shtesë të PZAP-it për plotësim të raportit nga policia, policia në raportin e sajë shtesë të datës 13.01.2011, konstaton se personat e arrestuar ditën e zgjedhjeve në fshatin Runik janë Dan (Kadri) Durmishi nga fshati Kastriot dhe Burhan (Beqir) Smakaj nga fshati Runik.

Policia me tutje theksojnë se pas kontaktit me personin zyrtar të KKZ-ës në Skenderaj z Imer Ahmeti është konfirmuar se personat e lartshënuar nuk janë vëzhgues ose komisioner të asnjë partie dhe nuk figurojnë fare në listat e tyre.

Neni 118 paragrafi 1 i LZP-së, parasheh:

118.1 PZAP-i pranon ankesat e bazuara në fakte dhe refuzon ankesat të cilat nuk përmbushin standardet

Rregullat dhe Procedurat e PZAP-it, neni 3 paragrafi 6 pika (c) parasheh si vijon:

3.6 (c) hollësi rreth çfarëdo dëshmie dhe kopje të çfarëdo dokumentacioni relevant apo dëshmi të tjera në posedim të ankuesit ose udhëzime se ku mund të gjenden dëshmitë, në rastet kur të njëjtat nuk janë në posedim të ankuesit.

PZAP-i pasi shqyrtoj dhe analizoi shkresat e lëndës gjeti se:

- ankesa është e pabazuar

Pretendimet nga parashtruesi i ankesës janë të pabazuara për shkakun se nuk është ofruar asnjë dëshmi apo prova të mjaftueshme për të besuar se kanë ndodhur shkeljet e pretenduar nga anëtarët e subjektit për të cilët pretendon ankuesi. Ky fakt konfirmohet nga raportet e lartcekura të policisë përmes të cilave nuk ka mundur që të vërtetohet se a janë anetare, vëzhgues apo mbështetës të ndonjë partie politike.

Sipas nenit 32.1 të LZP-ës këtij kod i detyrohen të gjitha subjektet politike, kandidatet ,anëtarët e subjekteve dhe mbështetësit e tyre
Ndërsa sipas nenit 32.5 të LZP-ës ku thuhet se subjektet politike mbahen përgjegjëse për shkeljet e këtij kod nga anëtarët, mbështetësit dhe kandidatet e tyre.

Nga raportet e lartcekura të policisë PZAP-i nuk ka mundur që të vërtetojë se personat e arrestuar nga ana e policisë për kanosje ndaj vëzhguesve të LDK-ës, kanë qene anëtarë, vëzhgues ose simpatizant të PDK-së.

PZAP-i duke u bazuar në arsyet e cekura më lartë e po ashtu në pajtim me dispozitat e cituara ligjore si dhe në kuptim të nenit 115 paragrafi 1 të LZP-së, vendosi si në dispozitiv të këtij vendimi.

PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se gjoha e përfshirë është më e lartë sesa pesëmijë (5, 000) Euro ose në rast se çështja prek një të drejtë themelore.*

Paneli Zgjedhor për Ankesa dhe Parashtrësia

A nr. 61/2011 më datën 13.01.2011.

Kryesuesi i Panelit

